



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 42. Legatorum iter.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. *bitis prælegi libellum, quem ipse, & alii,*
A.C. 519. *quos adjuvante Divina Gratia recipietis,*
vobis obtulerint; si id fieri nequeat, il-
lum saltem in Aula secreta præsentibus
Clericis, & Abbatibus legi curabitis. Im-
peratorem deinde rogabitis, ut Epistolas
suas ad Metropolitanos unacum Epistolis
Episcopi Constantinopolitani mittat, qui-
bis significet, hunc Episcopum, cum Fidei
Formulam a Sacra Sede missam professus
esset, ad Ejusdem Sedis Communionem
fuisse receptum, & hortetur, ut exemplum
sequantur. Si Imperator tergiversetur,
Episcopus Constantinopolitanus mandata
ad Episcopos suæ Provinciæ, aliosque Me-
tropolitans mittet, & docebit, quid ipse fe-
cerit, illis, quos & vos ex parte vestra
mittetis, præsentibus. Id vero ut faciat,
omnino a Constantinopolitano exigetis,
ne etiam remotissimi restitutam Concor-
diam nesciant.

§. XLII.

Legatorum iter.

Suggest. 2.
P. 1484.

Ex Italia solventes Legati Aulonam,
 quæ hodie Valona dicitur, proximum
 ab Occidente venientibus Portum ap-
 pulerunt. Episcopus loci Hospites hu-
 mane excepit, promisitque, se Libellum,
 qualem Legati exigebant, cum suo Me-
 tropolita traditurum. Inde iter terre-
 stre profecuti per Macedoniam Scampim
 perve-

pervenerunt. Trojus Episcopus cum suis Clericis & populo Cereos portante & militibus præferentibus Cruces ipsis obviam venit. Tum simul omnes in Ecclesia S. Petri congregati. Episcopus Formulæ nomine Summi Pontificis sibi oblata præsentibus Clericis suis & Optimatibus Civitatis subscripsit. Id Legati a Petro Ecclesiæ Romanæ Notario publice legi jusserunt. Laudabat populus Deum & effusis lacrymis maximam testabatur lætitiâ. Germanus Episcopus unus Legatorum Missam celebravit. In Diptychis Hormisdæ Papæ Nomen lectum, nullius autem nomen alterius, qui in Fide suspectus esse posset; promiserunt etiam nullius Episcopi nomen imposterum inferendum, nisi illorum, quos Sacra Sedes recepisset. Finita Missa, hora Cœnæ, ad duos Legatos inviserunt duo Comites Stephanus & Leontius, qui ab Imperatore Legatis obviam missi usque in Italiam profecturi erant, nescientes ipsos jam usque in Græciam processisse. Stephanus sanguine Vitalianum contingebat.

Inde Legati Ligidam, seu Lychnidum profecti ab Episcopo Theodoreto eadem humanitate & benevolentia sicut ante a Scampensi excepti sunt. Is Libellum suum dedit, qui in Ecclesia lectus est, & omnia secundum Papæ Mandata

Sæculum VI.
A. C. 519.

Sæculum VI. peracta. Legati ista Papæ datis litteris
 A.C. 519. 7. Martii 519. retulerunt. At iisdem
 Theſſalonicæ contra Dorotheum Episcopum, quem semper Schismati addictum
 omnes ferebant, fortiter certandum fuit. Nihilominus Legatorum argumentis de
 rei æquitate convictus videbatur, promisitque se Libello subscripturum, sed
 rem distulit, obtendens, omnes Episcopos Provinciarum suarum non adesse;
 dixit, velle se ipsos convocare post Pascha, quod non longe aberat, & illo anno
 519. trigesima prima Martii celebrandum erat. Igitur pollicitus est, post Fes-
 ta se Concilium congregaturum, in quo simul omnes præſente Legatorum aliquo
 ad idipsum Constantinopoli Theſſalonicam redituro subscriberent.

Sugg. Dioſc. Tandem Legati Die Lunæ Majoris
Sug. Germ. Hebdomadæ 25. Martii Constantinopolim pervenerunt. Decem ab urbe mili-
 tariis multi viri primi ordinis iisdem obviam processerunt. Inter illos vife-
 batur Vitalianus Militiæ Magister, idem qui in Anastasium Imperatorem arma ar-
 ripuerat, Pompejus, Justinianus, pluresque alii Senatores; omnesque Ecclesiæ
 Pacem ardentissime in votis habere testabantur. Legatis urbem ingredientibus
 maximam lætitiâ populus profitebatur, Cereos portabant, & magnis laudibus
 Papam extollebant. Die altera quæ
 erat

erat Martis 26. Martii in conspectum Ju-
 stini Imperatoris toto Senatu & quatuor
 Episcopis a Patriarcha Constantinopoli-
 tano delegatis presentibus admissi sunt.
 Imperator Papæ Epistolas venerabundus
 accipiens ad Legatos dixit: *Colloqui-
 mini cum hujus Civitatis Episcopo, &
 rem in pace conficite.* Legati responde-
 runt: *Hormisdas Papa non misit nos ut
 litigemus, sed habemus in manibus For-
 mulam, receptam ab omnibus Episcopis,
 qui S. Sedi reconciliari voluerunt. Ju-
 be, ut legatur, & si quæ objicienda occur-
 rerint, respondebimus.* Lectus est Li-
 bellus coram Imperatore & toto Sena-
 tu. Tum Legati dixerunt: *Jam qua-
 tuor Episcopi, qui ab Episcopo Constanti-
 nopolitano Legati adsunt, edicant, an ea,
 quæ in hoc Libello continentur, Actis Ec-
 clesiasticis non sint consentanea.* Respon-
 derunt, omnia esse vera. Tum Legati
 dixerunt: *Auguste! magno nos metu li-
 berarunt, & ut Sanctos Episcopos decet,
 locuti sunt, dum Veritati testimonium
 reddiderunt.* Imperator ad Episcopos:
*Si omnia vera sunt, ergo facite, quæ de-
 betis.* Senatorum aliqui addiderunt:
*Nos Laici sumus. Dicitis, hæc vera esse,
 & facienda, ergo facite, sequemur præ-
 euntes.*

Sæculum VI.
 A. C. 519.